

修訂日期: 2006/04/12 發行日期: 2007/3/7

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 3, No. 164

原始資料: 蕭鎮國大德提供, 維習安大德提供之高麗藏 CD 經文, 北美某大德提供

No. 164

佛說師子素馱娑王斷肉經

大唐沙門智嚴譯

我憶過去無量劫	有王名曰素馱娑
其王一時出遊山	群臣部從獵蟲獸
忽逢雷雹惡風起	諸人分散悉驚惶
王獨走入深山林	臨河蘇息無人伴
牝母師子在山藪	見王獨坐逼王身
眾生惡業夙緣故	轉種地獄苦無量
王與師子夙因緣	欲情俱起共交會
多劫食肉殺生者	夙習故入師子胎
便生人身師子首	斑足丈夫如獸王
長成迅速甚猛利	問母我是誰體胤
其母師子答子云	汝父竭國素馱王
子聞是已速往尋	摩竭提國父王所
引現具啟往因緣	王聞自悟收為子
然為父王年老邁	登樓冊子立為王
號為師子素馱娑	御殿朝政理臣民
師子展轉惡習故	多劫食肉害眾生
雖居人王不食穀	唯飡鳥獸水陸蟲
供進雜肉時將至	闖拔獸肉狗銜將
闕肉厨人懼王斬	走出捕捉小嬰孩
密截頭項并手足	全煮鑊中供進王
王食其肉甚將美	長嗜肉味狀燒薪
王問食官是何肉	食官惶怖具啟王
王赦其罪勿憂愁	每日供進是肉來
厨人既承大王教	變服每日盜他兒
積年竊盜他男女	如行羅剎復如鷹
國內人民並持服	為失子息各悵惶

兩兩執手互相問
邑人守捕獲其賊
國人聞此啟諫王
比日令密進孩肉
親戚臣民次第食
闔國絕望無控告
王上高臺祈神鬼
若得翅飛取諸方
師子猛獸惡習故
囚繫高峯峻巖上
惟少一王擬當祭
於時王舍菩薩王
師子見王坐玉碇
爾時聞月王悲泣
我聞大王勇猛智
若也如是當應忍
聞月答王師子云
修行菩薩大慈悲
一生豪貴主天下
我又百國求佛法
未及聽法親授教
汝捨施我一七日
集會群臣囑累法
以其菩薩無詐妄
八日聞月出城迎
於時師子如雲現
師子問王可無畏
聞月答王師子言
寧捨百千身命財
和顏悅色方便語
汝欲祭祀邪神鬼
十方佛刹諸賢聖
是身虛假合因緣
五根六識無人我

氣噎無處告皇天
厨賊訴云不自由
王聞忿怒大嗔責
從今每自料一人
如羊欄內被牽將
普集王衙欲除君
請翅飛騰免斯難
百國王頭祭山神
立得翅飛接諸王
已得九十九國王
師子而下更尋求
號為聞月園苑浴
下捉右臂欲擒將
師子問王何故啼
菩薩不顧身命財
何得苦憂不自由
一切憂苦不過慈
我今憂彼百國王
今日囚繫命欲終
請得法師遠方來
國人渴仰未曾聞
供養三寶聽法音
八日當自迎大王
師子許王七日期
捨身施待師子王
擒接聞月對眾將
敢出我前如獸王
是身虛假施大王
不犯前言失汝期
聽我少時說因緣
諸部善神與汝殃
多劫汝不更聞名
命若電光無停住
眼耳鼻舌觸為因

如幻變化見眾像
從頭至足驗此軀
如水中泡剎那滅
汝今雖肉養其身
殺生無量食噉肉
爾時聞月無量偈
師子聞已漸迴心
師子問王如何計
聞月答云辦素味
師子依命祭山神
山中囚禁諸王者
聞月各引還本國
并將師子素馱王
和合諸臣及萬姓
爾時聞月發大願
解脫一切普含生
所授師子王妙法

眾生妄想執為真
無有一事是常住
老病死苦亦無常
究竟無依無善路
展轉受苦惡道中
勸化師子素馱王
聽聞無我實相體
祭祀無罪得神歡
無辜淨食祭祀天
捨身施與聞月王
並皆付囑聞月將
依舊安置理人民
摩竭提國坐本宮
合國斷肉不殺生
願我成等正覺時
此等諸王同成佛
願其重罪得雲銷

又念過去阿僧祇劫。釋提桓因處忉利宮。以於過去食肉餘習。變身為鷹而逐於鵠。我時作王名曰尸毘。愍念其鵠。杼身割肉代鵠償命。尸毘王者我身是也。後當作王名曰聞月。其時帝釋化為鷹者。後當作王師子素馱。釋試我故尚生惡道。況餘眾生無慚專殺。食噉血肉無止足時。一切眾生從無始來。靡不曾作。父母親屬易生鳥獸。如何忍食。夫食肉者。歷劫之中生於鳥獸。食他血肉展轉償命。若生人間專殺嗜肉。死墮阿鼻無時暫息。若人能斷一生食肉。乃至成佛無由再食。

佛說師子素馱娑王斷肉經